



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXXIX. Ad B. Augustini sententiam velut ad oraculum, ex orbe toto
concurritur.

urn:nbn:de:hbz:466:1-42857

*D. Augusti-
nus Deo
agitante lo-
cutus est &
scripsit.*

ideam repræsentant. Simile hisce tabulis in D. Augustino videre licet: nam & Ecclesiæ gubernationi sic affixus fuit, ac si literis numquam vacasset, & tot ingenij monumenta tamque multiplicia reliquit, ut nihil aliud per omnes vitæ dies egisse videatur. Mirabile videri cuius hoc debet, unum hominem tam variè tamque copiosè scripsisse, tot impedimentis, quæ munus Episcopale circumstant, præoccupatum, ut omittam reliquas vitæ necessitates. Ac mihi quidem, ut & aliis, placet ista sententia, quemadmodum Apostoli, Deo intus agitante, sic locutum Augustinum pleraque fuisse, eodem Doctore commentatum esse, eodem dictante tam ingentia volumina excepisse.

CAPVT XXXIX.

Ad B. Augustini sententiam, velut ad Oraculum, ex orbe toto concurritur.

QVARE ex omnibus ferè orbis terrarum partibus Doctores, Episcopi, ipsi denique summi Pontifices quæstiones suas explicandas Augustino deferebant, eum ad Concilia Pontifices inuitabant, ex illius sententiâ condebant decreta, ipsum Synodis præficiebant: scientes, quòd tametsi non decissent primariæ sanctitatis ac eruditionis viri, ipsius tamen Augustini præsentia maxime

mè prodesset; tamquam qui ceteris profundius nosset mysteria fidei, cum difficultatibus quas circa eandem mouebant hæretici; quique imis animi medullis, tamquam viuis tabulis, Dei legem insculptam gereret, ac eandem exactissimè obseruaret.

Fuere verò non pauci, qui super contro-
uersijs suis ac difficultatibus eum in consi-
lium adhiberent, quique causâ solatij vel
etiam instructionis adirent, vt Orosius ex

*Super con-
trouersijs in
consilium
adhibetur.*

Hispaniâ, Leporius ex Galliâ in Africam
proficiscentes, vbi cum Augustino familia-
riter egere. Quibus autem hoc integrum
non fuit, per literas eum consulebant, ani-
moque præsentiam compensabant, vt præ
ceteris D. Hieronymus, qui ex Bethleem in
Africam transuolare desiderabat, vt Augu-
stino coram frui posset. Verba eiusdè sunt:

*Scribo Reuerentiæ vestrae, testem inuocans
Deum, quòd si posset fieri, assumptis alis co-
lumbæ, vestris amplexibus implicarer. Idem*

*Epist. 14.
apud Au-
gustinum.*

in aliâ Epistolâ, quam ad Augustinum de-
dit, ita scribit: *Omni tempore beatitudinem*

*Epist. 25.
Insignis*

*tuam eo quo decet honore veneratus sum, &
habitantem in te dilexi Dominum Saluato-
rem: sed nunc, si fieri possit, cumulo aliquid*

*D. Hiero-
nymi in
S. Augusti-
nū affectus.*

*addimus, & plena complemus, vt absque no-
minis tui mentione, neque vllam quidem ho-
ram praterire patiamur. Quapropter etiam-*

num

num in fidei controuersijs ad Augustini sententiam velut ad Oraculum recurritur.

Hier. Tor-
rentius præ-
fat. in Con-
fess. Augu-
stin.

Cum enim, vt præclare quidam nouus au-
ctor, ab Apostolorum temporibus, Ecclesia
clarissimis atque doctissimis viris abunda-
rit, qui controuersijs exortis, operam stre-
nue nauarunt, ac veritatem omnibus mani-
festam reddiderunt; nemo tamen fuit hoc
vno instructior Dei naturæque donis, nemo

Bern. Ser 8
super Can-
tica.

ad rem Orthodoxam iuuandam, fidemque
modis omnibus stabiliendam, plus studij
diligentiæque contulit. Audit ergo meritò,

P. Ribadi-
neira in Vi-
ta.

grandis Ecclesiæ columna, fortissimus hæ-
reticorum malleus: *Doctor magnorum Do-
ctorum, à Deo doctus, homo qui de fonte diui-
nitatis bibit; ter-sanctus inter doctos, & ter-
doctus inter sanctos, Cherubim per scientiam,
& Seraphim per amoris ignem*, cuius doctri-
na non vnius Principis vel prouinciæ aucto-
ritate, sed plurimarum nationum & ingen-
tium populorum, adeoque totius Ecclesiæ

Doctrina
D. P. Au-
gustini tam
annis retrò
1200. rece-
pta & con-
probata.

Catholicæ suffragiis, legibus, moribusque
fundatur: quæ denique doctrina non LX.
vel LXX. dumtaxat, sed annis retrò M.CC.
terrarum orbi proposita, recepta pariter
atque comprobata, tot sæculis aduersus
hæreticorum insultus inconcussa stetit.
Quis porrò in Catholicam Religionem
æquus, non præcipue diuum Augustinum

ex

ex omnibus veritatis assertoribus vnum colat, meritoque eum veneretur, propter incomparabilem in omni laudum genere excellentiam? Qui Catholicę veritatis testis omni exceptione maior, non de suā tantum sed & de communi antiquorum Patrum & Apostolicę Ecclesię stabili confessione, nos bonā fide reddit certiores, qui Ecclesię Doctor, ab odio & amore partium omnino alienus, præclare apud omnes suo merito audit Pastor & Episcopus: in quo iure miretur tota posteritas ingenij acrimoniam, doctrinę soliditatem, S. Scripturę peritiam: in differendo subtilitatem, in asserendo constantiam, in iudicando sapientiam, in viuendo sanctimoniam, in agendo fidem & industriam singularem.

CAPVT XL.

Etiam heretici D. Augustinum suspiciunt.

PROPTEREA etiam ipsimet Religionis nostrę aduersarij, qui vel exiguum vel nullum honorem Patribus deferunt, cū alioqui fallaciis impēsē dediti sint, & eosdem Patres insimulent fallacię; impulsu tamen veritatis (quę ex inuitis interdum erumpit pectoribus) adacti, vnum sæpē Augustinum excipiunt, & tamquam illibatę doctrinę magistrum observant: imò quod
est